

Vide Fabr. 28. Monachus à Darentia doctrinæ huic dicam
Harm. pag. scribit: & Ministerium quidem docendi Evange-

52.

lium ideo institutum esse, ut fidem ex eius pra-
dicatione consequamur, non negat: At ministe-
rium porrigiendi Sacra menta, eundem ob finem
institutum esse, id verò falsum esse contendit.

29. Non enim (inquit Monachus) rectè &
salubriter Sacra menta porrexeris, nisi pri-
us credenti: secundum illud: Qui non
crediderit, condemnabitur Mar. 16, 16.
Et cum Apostolos mitteret Christus ad
prædicandum Evangelium, præcepit, ut
qui crederent, baptizarentur, increduli
minime. Ergo fides baptismi usum præ-
cedat necesse est. Si præcedit; falsum igitur,
per eundem illam demum conferri.

30. Pari ratione in ijs, qui sacra συνάγει
dignè uti volunt, fides præcedat necesse
est. Non igitur per ejus usum, fidem de-
mùm conferri statuendum fuerit.

31. Sed benè habet: Distinctione triplici nodus
iste facilimè dissolvitur: Nam 1. aut de Infan-
tibus, aut de adultis est quæstio. 2. Aut de Sa-
cramento initiationis, quod est Baptismus: aut
de Sacramento confirmationis, quod est cœna
Domini, propriè controvertitur. 3. Aut de fide
Iustificante, & hac quidem vel infirma & imbe-
cilli, vel firma ac robusta quaritur.

Distin-